



Broj: 03/3-50-1-9-17/10
Sarajevo, 24.02.2010.

ZAPISNIK
17. sjednice Zajedničke komisije za ekonomske reforme i razvoj,
održane 24.02.2010. godine

Sjednica je počela u 13 sati.

Sjednicom je predsjedavao g. Zoran Koprivica, predsjedavajući Komisije.

Sjednici su prisustvovali: g. Bajazit Jašarević, g. Ivo Miro Jović, g. Mehmed Suljkanović, gđa. Vesna Šain, gđa. Ljiljana Milašin, g. Božo Ljubić, g. Hazim Rančić, g. Rifat Dolić, g. Adem Ibrahimapšić, g. Slobodan Šaraba, članovi Komisije.

Sjednici su, u ime Ministarstva vanjske trgovine i ekonomskih odnosa BiH prisustvovali g. Ljubiša Ćosić, Koordinator za reformu poslovnog okruženja u BiH, u ime Direkcije za ekonomsko planiranje BiH, gđa. Alida Sofić, pomoćnik direktora, u ime Agencije za sigurnost hrane BiH, g. Sejid Mačković, direktor, g. Zoran Đerić, zamjenik direktor, u ime USAID – Projekat jačanja Parlamenta, gđa. Lada Mujkić, u ime Sektora za odnose sa javnošću g. Zoran Brkić, te g. Amer Bekrić, sekretar Zajedničke komisije za ekonomske reforme i razvoj.

Za sjednicu je predložen i jednoglasno usvojen sljedeći sljedeći

DNEVNI RED

1. Usvajanje Zapisnika sa 16. sjednice Zajedničke komisije
2. Prijedlog zakona o promociji malih i srednjih preduzeća i preduzetništva u Bosni i Hercegovini (predlagač: Vijeće ministara BiH)
3. Informacija o kretanju makroekonomskih pokazatelja januar-decembar 2009. godine
4. Tekuća pitanja

Ad.1.

Usvajanje Zapisnika 16. sjednice Zajedničke komisije za ekonomske reforme i razvoj

Zapisnik 16. sjednice Zajedničke komisije za ekonomske reforme i razvoj je jednoglasno usvojen.

Ad.2.

Prijedlog zakona o promociji malih i srednjih preduzeća i preduzetništva u Bosni i Hercegovini (predlagač: Vijeće ministara BiH)

G. Koprivica je dao uvodne napomene o Prijedlogu zakona o promociji malih i srednjih preduzeća i preduzetništva u Bosni i Hercegovini, naglasivši da je, u konsultacijama sa lektorima, utvrđeno da u tekstu zakona postoje određene nedosljednosti u pogledu upotrebe jezika konstitutivnih naroda.

G. Ćosić je pojasnio određena rješenja iz sadržine Prijedloga zakona o promociji malih i srednjih preduzeća i preduzetništva u Bosni i Hercegovini.

Nakon provedene opće rasprave, u kojoj su učestvovali svi prisutni članovi, **Zajednička komisije za ekonomske reforme i razvoj je jednoglasno:**

- prihvatila principe Prijedloga zakona;
- za izvjetioaca pred Domom naroda određen je g. Zoran Koprivica, a pred Predstavničkim domom g. Bajazit Jašarević.

Ad.3.

Informacija o kretanju makroekonomskih pokazatelja januar-decembar 2009. godine

Nakon provedene opće rasprave Informacija o kretanju makroekonomskih pokazatelja januar - decembar 2009. godine, **primljena je k znanju i jednoglasno je usvojena, te donešen ZAKLJUČAK:**

Zadužuje se Direkcija za ekonomsko planiranje BiH da za narednu sjednicu Zajedničke komisije za ekonomske reforme i razvoj pripremi i dostavi uporedni pregled pokazatelja iz Informacije, u odnosu na države okruženja, te najrazvijenije države EU.

Ad.4.

Tekuća pitanja

Pod tačkom dnevnog reda Tekuća pitanja raspravljano je o **Zapisniku sa sastanka predstavnika Zajedničke komisije za ekonomske reforme i razvoj, odnosno Zajedničke komisije za evropske integracije, sa rukovodstvom Agencije za sigurnost hrane BiH, Mostar, odražanog 11.02.2010. godine**

Nakon provedene opće rasprave o Zapisniku sa sastanka predstavnika Zajedničke komisije za ekonomske reforme i razvoj, odnosno Zajedničke komisije za evropske integracije, sa rukovodstvom Agencije za sigurnost hrane BiH, Mostar, odražanog 11.02.2010. godine, u kojoj su učestvovali svi prisutni članovi Komisije, jednoglasno su usvojeni sljedeći **ZAKLJUČCI:**

- 1. Podržava se rad Agencije za sigurnost hrane BiH u svim segmentima koje je definirao Zakon o hrani, koja je pokrenula mnoge procese u uređenju oblasti sigurnosti hrane, a sve u cilju zaštite potrošača i interesa proizvođača i ispunjavanja zahtjeva preuzetih potpisivanjem SSP na putu evropskih integracija.**
- 2. Podržavaju se nastojanja na izgradnji ili kupovini poslovnog prostora u Mostaru, za potrebe i smještaja zaposlenika Agencije sa mogućnošću formiranja referentnog laboratorija po ugledu na mnoge zemlje EU.**
- 3. Preporučuje se Agenciji za sigurnost hrane BiH da učini dodatne napore u budućem stručnom i naučnom osposobljavanju zaposlenika Agencije, kako bi mogli odgovoriti izazovima uspostavljanja sistema sigurnosti hrane u cijeloj BiH.**
- 4. Zajednička komisija za ekonomske reforme i razvoj iskazuje potporu radu Agencije u zakonodavnom dijelu.**

Pod tačkom dnevnog reda Tekuća pitanja, g. **Koprivica** je dao napomene o planiranoj posjeti Republici Bugarskoj (Parlamentu i odborima nadležnim za pitanja ekonomije, reformi i razvoja), u organizaciji USAID – Projekta jačanja Parlamenta.

Sjednica je završena u 14,30 sati.

Sekretar Komisije

Amer Bekrić

Predsjedavajući Komisije

Zoran Koprivica